



上元天官寶誥



志心皈命禮玄都元陽紫微宮中部三
十六曹借九千萬衆考較大千世界之
內錄籍十方國土之中福被萬靈主衆
生善惡之籍恩覃三界致諸仙升降之
私除無妄之災解釋宿殃脫生死之趣
救拔幽苦群生是賴蠢動咸康大悲大
願大聖大慈

上元九炁賜福天官曜靈元陽大帝紫
微帝君

中元地官寶誥

志心皈命禮青靈洞陽北都宮中部四
十二曹借九千萬衆主管三界十方九
地掌握五嶽八極四維吐納陰陽覈男
女善惡青黑之籍慈育

天地考衆生錄籍禍福之名法源浩大
而能離九幽浩劫垂光而能消萬罪群
生父母存沒沾恩大悲大願大聖大慈
中元七炁赦罪地官洞靈清虛大帝青
靈帝君

下元水官寶誥

志心皈命禮賜谷洞元青華宮中部四十二曹偕九千萬衆掌管江河水

帝萬靈之事水災大會劫數之期正一法王掌長夜死魂鬼神之籍無為教主

錄衆生功過罪福之由上解天灾度業
湍之靈下濟幽扃分人鬼之道存亡皆
奉力濟無窮大悲大願大聖大慈
下元五炁解厄水官金靈洞陰大帝賜
谷帝君

太上說三官經序

天尊言序曰

三官大帝乃是元受真仙之骨變化更
生再甦為人曰父姓陳名曰子椿又曰
陳郎為人聰俊美貌於是龍王三女自

結為室

長女生三子上元

次女生二子中元

小女生三子下元

三女生於三子俱是端正有相之人形
容秀氣愛恤救苦生來為人聰俊威容
赫赫神通廣大法力無邊通天達地指

天官賜福衣食滿足飢寒得煖身體無勞自然安靜和樂無災又於衆生或孤魂野鬼等衆受刑苦惱冤愆惡孽在身所有存亡衆生在圈圍之中未得出離若誦此經千徧即有

地官赦罪出離存亡衆生苦難孤魂等衆盡離地獄之中快樂無邊皆生歡喜存者快樂過者生天淨界之中命犯孤辰寡宿刑妻剋子損害六親自己身中常沾疾病多招凶禍連連不絕致令

星辰不順運限迷遭流年凶星惡煞照臨命限三方四正之內五行四柱之中降生凶禍若誦此經千徧即有

水官解厄星辰順度運限光亨凶星惡煞盡一退驅吉星臨照凶病即痊人眷康泰萬禍潛消百福來崇於是四川省忠州路酆都縣東隅周恒行恒常計家三十五口於洪武十七年甲子歲十一月內全家瘟病不愈乃是酆都山鬼王及孤魂野鬼為害至乙丑年六月終病

未愈只有一子隆孫一長鬚赤脚無病
至七月初一日有三人道士送此經一
本來教隆孫讀誦此道士乃是

三官大帝下世救民教誦此經不滿十
徧病即輕已經滿百徧全家安愈皆起
而悅又於張用清有一女妊娠五日不
解不行分娩又請隆孫讀誦此經不滿
三徧其孕即解母子雙全解曰乃是謀
財負命致此冤愆來纏得此經功解釋
冤尤消散又於顏先於獄中三年官不
喚出請道士誦此經千徧踴躍懺悔忽
有

皇恩大赦赦出罪囚得經功出離囹圄
永離此地伉儷幼小團欒安樂於是恒
行恒常用清發心施經萬本流傳十方
善男信女讀誦保

國鎮家禳災集福解冤赦苦濟民利物
顯達施行若有善男信女抄寫讀誦全
家安樂灾難無侵福臨禍散

天尊言天下衆生惡求其財惡結惡冤

冤冤相報報及子孫今世即見禍殃今
生雖富來生貧寒生於奴僕之人子孫
伶仃孤苦若有善男信女齋戒布施或
捨天像靈壇仙廟僧道殿宇法堂橋梁
路道等物今生雖貧亦有陰福來助來
生富貴生於公侯宰相之人子孫興旺
代代富貴善販善位福祿難釋其福無
邊

太上說三官經序終

太上三元賜福赦罪解厄消災延生保
命妙經

爾時

救苦大仙在

大羅天上九炁紫微天宮上白

道君曰集會

三元天地水官三界四府衆聖曹官考
較司同諸仙衆講說經法救拔衆生放
大光明照見天下萬國九州之地江河
湖海之內閻浮世界之中受苦衆生造

惡非善廣結冤讐多行不足財爻弗明
不敬

天地日月三光呵風罵雨欺神滅像瞞
天昧地亵瀆

聖賢不敬父母叔伯六親姦盜邪淫不
忠不孝非理非義斷絕往來恩路不敬
五穀穢汚遭踐不行正道大斗小秤明
瞞暗騙橫言曲語白口呪咀怨天恨地
不恤已身不修片善天不容地不載致
生惡毒多起瘡瘍多招訟非輕重難逃
故作事因得此苦報惡難臨身無處解
釋於是

救苦大仙端簡上告

三元天官曰善哉善哉此等衆生遭刑
苦難若有善男信女皈依

三元齋戒三年圓滿命道轉誦此經三
五十徧千五百徧踴躍懺悔過愆尤
道君曰即有

天官賜福 地官赦罪 水官解厄

於是告下

三元天尊即駕五色祥雲行九炁清風
至都會府雲臺山上放大毫光廣大惠
力無邊法顯濟民赦苦福應萬靈

諸天升降除無妄之災解有讐之愆賜
十祥之福脫九厄之難離三途之苦癒
蠹康泰削去原罪拔除冤根永消愆尤
父母存亡沾恩離苦四生六道餓鬼窮
魂孤魂野鬼九玄七祖未離地獄之中
存亡衆生杻械枷鎖囹圄閉塞於是
地官至七月十五日即與獄囚地獄受
苦衆生除罪簿減惡根削死名上生籍
已去提未去提已提至未提至已結證
未結證已發覺未發覺逢赦除之
地官曰五刑十惡等罪永不赦除

天尊言齶齶齶音齶齶齶齶蛇牙虎口

心如錐刀惡毒之人鬼眼鬼心多計巧
言噴瞞痴愚蠢子何知割他肉不念他
貧只念己富肥家潤身使用心返累
己身心根結成罪根難滅貪財利己天
雷霹靂瘟氣流傳纏害身體冤愆相併

併及子孫於是
救苦大仙再告

天官天官曰轉誦此經至滿千徧大作
蹠躍悔過愆尤斷惡修善即有
地官赦罪所有惡孽愆尤俱一赦除心
心志或云懲字未詳忘或云懊惻字未詳盡一皈正
恍恍惚惚耳目心定神魂安靜精神復
舊罪滅福生無量功德其福無邊

道君曰世間衆生招瘟惹灾毒氣流行
衆生染着皆是造惡非善冤讐相併致
生惡疾淹延未愈若誦此經病即痊愈
若誦經者至端陽中元之日即有

三元退逆行瘟等衆考較輕重等罪俱
一赦除

水官曰世間夫婦命犯孤辰寡宿刑害
絕嗣皆是前生不施今生受之若有善
男信女晨夕好靜沐浴燒香燃燈誦經
修齋布施悔過消刑便生端正有相之
男聰明富貴之子聲鎮五湖四海宿世
今生故作誤為謀財負命今世為鬼東

命化財女人姪娠三朝五日不行分娩
或在身児亡生下児亡三六九歲児亡
十二五歲児亡一日一夜萬死萬生俱
是冤愆相臨化財驕挾財物化為
畜生若有善男信女發心施財齋戒沐
浴轉誦此經悔過愆尤即使愆尤永釋
人鬼分離產生無難母子雙全閑煞無
刑生長成人利益雙親經力弘深祈福
福至禳禍禍消讎人水泮冤家債主自
消自滅孤魂等衆九玄七祖四生六道
輪迴生死出離地獄即往東極天界救
苦門庭救苦地上好修行只有天堂無
地獄閻王一見不敢高聲童子夜叉孽
拳拱手牛頭馬面總盡皈依一十八重
地獄獄獄逍遙三十三天天宮宮宮自
在超生天堂之境即無地獄之聲出離
地獄永離苦難往往人天超生淨土快
樂無量一去一來無掛無碍

水官曰天下衆生星辰不順運限遲留
凶曜衝併多生疾病或瘟病相侵或痢

天地水官帝

雲雷電鼓隨

金童執華旛

玉女捧香花

五色祥雲內

放出白毫光

照一切天下

顯身救衆生

慶雲祥烟護

拔離諸苦難

興雲布洪雨

驅雷掣電行

法顯無邊濟

無極無量法

無量度衆生

無極無量光

照出諸魂衆

一切冤家鬼

盡離地獄中

存亡諸衆生

一切離苦難

天尊說經已畢若誦此經隨力見功酌
水獻花其福自應家有此經宅舍光明
災難無侵佩帶此經萬神擁護鬼祟永
滅心念不空福力自然神力扶持隨心
應口此經共計一千六百七十五字字
字真詮句句消愆行行滅罪卷卷賜福
一切

諸天上帝三界十方衆聖聞說此經皆
大歡喜信受奉行作禮而退

太上三元賜福赦罪解厄消灾延生保命妙經終

太上元始天尊說三官寶號

爾時元始天尊在大羅天上八景宮中與諸天神王日月星宿上聖高尊無極聖衆說無上至真妙法有一真人名曰赤腳大仙越班而出擎拳長跪白

天尊曰下界人民或有水火刀兵疾病生產鬼魅精邪天羅地網一切厄難何由救免

天尊曰得道神仙皆從

三官保舉下方生人但持

三官寶號能除厄難悉皆消滅吾今授汝下世流傳人間看誦者得福無量消一切厄即說寶號曰

北極玄穹

紫微帝庭

泰山岱岳

水國清冷

綱維三界

統御萬靈

三元校籍

善惡攸分

齋戒禮誦

無願不成

消災釋罪

降福延生

至真妙道

功德無邊

大悲大願

大聖大慈

上元一品

賜福天官

紫微大帝

中元二品

赦罪地官

清虛大帝

下元三品

解厄水官

洞陰大帝

三元主宰

三百六十

應感天尊

女青真人

考較曹官

爾時赤腳大仙與諸天神王真仙大眾
聞說寶號皆大歡喜作禮稽首而退信

受奉行

太上元始天尊說三官寶號終

